

隱廬丛稿六卷

長洲朱仲我先生遺著

半隱廬叢稿

行狀附  
林思進署檢

民國丙子夏成都華西  
協合大學用活字版印

華西協合大學國學叢書之二

半隱廬叢稿

中華民國二十五年六月付印

每部定價 國幣 壹元

箸作者 長洲朱仲我先生

校字者 後學 安岳陳家驥

出版者 成都華西協合大學哈佛燕京學社

發行者 成都華西協合大學中國文學系

印刷者 成都梓潼橋維新印刷局

代售處 成都華西協合大學圖書館

半隱廬叢稿卷一



長洲朱孔彰仲我撰



吳鏡如

吳鏡如江蘇宜興人名協心博聞強記文詞兼美中庚午科舉人光緒初與余相見於杭州撫署同爲幕賓始會面問余曰令兄可是名孔陽余曰卽小子之初名於是共談說文昕夕不倦相得益彰鏡如著有說文稽古編五十卷稿本皆草書細字卒後其猶子保彝送余處求爲訂定余已爲校定十之七八金陵譯書局停辦余到安慶存古學堂爲教員不能爲鏡如卒業至

今歉恨

師轍謹按吳氏說文稽古編先君後仍爲訂定鈔寫成書

楊佩瑗

王先謙目

庚午三月九日

楊佩瑗名葆彝江蘇陽湖人以保薦爲浙江知縣書畫有名嘗以所得酬資濟寒士解衣推食情誼殷勤余在浙撫梅小巖中丞幕中君爲文案相契甚深後爲富陽令以新墾田千畝報請歸公辨義舉愛民如子去官後卒于紹興民謳思之余有句云江干十里綠疇新想見當年撫字勤千畝良田遺愛在至今謳舞富春民

孫仲容

孫仲容浙江瑞安人名詒讓太僕寺卿孫公衣言之子太僕公以詩文名天下詩得黃山谷神髓精孰遷書文格似歐陽有遜學參詩文集十餘卷行于世仲容少傳家學號爲神童十六歲領鄉薦著作等身解經有周禮義疏五十卷詮釋諸子有墨子

仲宏之兄存亮錄之  
十の年

閒詁三十卷與德清俞曲園先生齊名博通而精覈過之鄉紳  
舉薦監督溫州學堂京師大學初建聘充總教習不應宣統二  
年夏卒年六十有一余輓以聯云六旬名宿爲儒林宗講學箸  
書數百卷兩浙英才開追悼會焚香告祭五千人

### 呼五百

韓昌黎寄盧仝詩立召賊曹呼五百一作伍伯顧嗣立補注按  
朱子云伍伯見古今注什伍之長也後漢禰衡傳黃祖大會賓  
客衡言不遜順祖大怒令五百將出欲加箠李賢注五百猶今  
之問事也彰按蜀志劉琰傳呼卒五百搥妻今通謂之皂隸

### 百一詩

梁昭明太子文選詩類特箸百一之目說者多端當以愚者千

慮一得解訓爲是詩中皆應休璉自嘲語問我何功德三入承明廬下接所以占此土是謂仁智居疑文氣不貫細繹其意占此土謂歸田之樂仁智居卽智水仁山意魏晉六朝人作詩喜紆曲此類是也

滄桑豔

丹徒丁秀夫作滄桑豔曲表彰陳圓圓傳誦一時書末題絕句云荆棘銅駝淚血紅包胥痛哭出關東漢家若畫淩煙閣要讓蛾眉第一功此詩結句與宋人題王昭君漢家眉斧息邊塵功抵羆貅百萬人好把香閨舊脂粉豔妝顏色上麒麟同意

天地亦生惡類

天地之性最仁故多生善類以化不善亦少生惡類使不善而

知化于善如毒蟲猛獸不能使之不生所以善惡相濟也如鴟  
鳥之食母破鏡之食父螳螂之食夫可謂惡極之類天地亦生  
之人中之有極不善者天地亦生之當作如是觀可也

王秀峯師改四六

王秀峯師諱俊丙午科舉人貫漢軍善駢文余初謁曾文正上  
書敘家世末段師改數句極佳云念先人私淑門牆有雲龍相  
逐之志則小子攀依鈴轂非馬牛不及之風蓋天下之父歸之  
其子焉往而仁者爲功大矣取數至多用成語似宋人四六先  
博士于咸豐元年詣闕獻所著說文通訓時曾文正爲禮部侍  
郎帶領引見由此識面曾文正亦精研許書故有私淑之語

曾忠襄公讀詩一快

曾文正公薨江甯建祠堂于龍蟠里余撰絕句百首歌以祀之  
末云少小相依極盛時欷歔今日謁公祠遺聞襍寫江南事  
以清尊祭以詩同時甘健侯見之謂收法好詩中襍寫江南事  
極有關係後以詩稿呈曾忠襄公閱之甚喜謂官江南數年無  
好懷讀朱仲我詩爲之一快又云仲我以文正公爲知己文正  
公亦當以仲我爲知己也

龔蕩田

龔啟蓀字蕩田浙江東陽人中癸酉科鄉榜博通經訓精研算  
學著有蕩田襍稿十餘卷與余同應詁經精舍文藝冠羣以學  
術性情相契深嘗暢飲西湖酒家時大兒師軾姻友金子昌從  
我游每人數十觥不醉賞月吟風極清遊之樂趣壬午秋余病

瘡將不應舉滿田在江蘇提學黃漱蘭先生幕中來勸入闈雖  
病無妨先與余言今科說文可用以典試譚叔裕先生亦精究  
許書故也榜發余果中式滿田拍案大叫以經題象者像也豕  
者材也交也者效天下之動者也三句多用浹長說恰合滿田  
知余文必售也後滿田爲貴州修文令擢知州事總辦算學局  
數年不通問不知今安健否

譚叔裕師贈聯

譚叔裕師籍廣東南海縣諱宗浚戊辰探花壬午科典試江南  
爲余座主余入都時師爲外官未曾面至乙酉年簡放雲南糧  
道過上海始得謁見賜聯云南閣說文通其故訓東堂登第應  
推雅材書法集龍藏寺碑句尤典切師卒後有希古堂詩文集

八卷刊行于世余從世兄祖綸處鈔得筆記數種荔邨漫錄中載駱文忠公遺事同治初四川大亂蹂躪已遍先有童謠云若平蜀馬生角似蜀無平定之期迨駱文忠公爲四川總督二年而蜀平始悟馬生角卽駱公也各角音近可知劫數消滅亦是前定余撰中興將帥別傳已刻成此節應補錄特記于此

馮夢華贈聯

馮煦字夢華江蘇金壇人壬午科與余同榜丙戌探花戊子科典試湖南所取多知名士後爲鳳陽府攝道篆升山西河東道適值覽揆之辰余獻聯云帝畀河東稱福星一道民謳淮甸祝生佛萬家又有送行詩云尊酒論文客不孤三年聚首劇懽愉退之他日從中立子美當年感達夫擾擾風塵增別緒霏霏雨

雪念征途濠洲父老千行淚況我知交已白鬚夢華先贈予聯  
云家世六書冲表慎史裁一代固刪遷上句謂余承說文家學  
下句切拙箸中興將帥別傳可謂強對夢華贈他人聯皆狂草  
與余書札楹帖多工楷此最難得者也

輓程序東師聯

程序東師江西宜黃人諱其珏乙丑進士選江蘇嘉定縣壬午  
科派內簾爲余房師歷吳江長洲勤于政理好士愛才凡門生  
之貧者嘗助以膏火之資爲之謀館公正廉明民稱慈母光緒  
末卒于蘇州余寄輓聯云善政永難忘五袴興歌漢代循良遺  
則在師恩慚未報一觴遙奠吳江春水淚痕多

王鼎臣觀察

王定安觀警字鼎臣湖北東湖人甲子科舉人博覽羣書文詞  
兼美初選江蘇崑山縣以薦舉升道員山西旱災曾忠襄令辦  
振務救飢民數百萬由太行山運糧至晉調度神速皆鼎臣觀  
警建策也以事罷官謫戍張家口後以保薦赦回授鳳潁六泗  
道適值慈禧太后萬壽鳳陽張燈懸綵觀察書額云陽雒僧鱗  
四字咸不解其義蓋出後漢書西南夷傳遠夷人本語願主長  
壽也

半隱廬叢稿卷一終

半隱廬叢稿卷二

長洲朱孔彰仲我撰

東洋學士開說文會

東洋人學術專精不可及宣統二年見報章大開說文會于東京羅列說文韻書百餘種有中國鮮傳本者精擇箸書人自許叔重以下六家設木主供祀之共七位第一位後漢許慎第二位第三位南唐徐鉉徐鍇第四至第七位清曲阜桂馥金壇段玉裁元和朱駿聲安邱王筠餘非注全書不設木主余深歎其選擇之精非深通說文者不能也

甘健侯

甘健侯名元煥江甯人中丙子科鄉榜爲人誠篤文翰擅美一

桂隱朱王  
文四古山家

時所箸有桑泊草堂稿師事汪梅邨先生同修江甯府志天性至孝母卒廬墓四五年廬傍有桑有池因自號桑泊主人光緒末年卒余輓以聯云詩文有家法觀遺篋所藏不媿梅邨高弟誠篤與余交憶同舟共濟難忘桑泊故人

說文水部泊从百俗从白者許書無此字

### 四兒師錯問字

四兒師錯好字書兼通英文學未成而死余甚惜之嘗問黠人

言飢俗語曰肚裡康

讀上聲

當用何字余曰說文欠部有歟篆當

用此字說文歟飢虛也从欠康聲禾部有稊字康爲或體篆文从米作康今从水實違古義欠康卽欠米之意故訓飢虛是形聲兼會意字

張子蔚精孰杜詩

光緒初余自西泠來遊皖水見故人張子蔚

名郁昌

以紈扇一柄

書七絕四首贈之子蔚次韻和予四章情文並茂一時未能記憶錄其二章末二句云一泓清絕西泠水染上豪端不見痕謂余所作楷書時摹靈飛經三章末二句云莫言君最懷知遇我亦臨風憶相公余詩兼敘曾太傅時事故並荅之子蔚精熟杜詩幾於全集能背誦有詩鈔四卷余爲點定交其族孫烈仲藏之

### 鼠坻牛場

四兒師鐸問鼠坻牛場何解余曰揚雄荅劉歆書恐雄爲太玄經由鼠坻之與牛場也如其用則實五稼飽邦民否則爲牴糞棄之於道矣鼠坻當是鼠穴邊之地積有鼠糞牛場是牛欄邊